



# Synfocity = 966

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

December 12, 2024

## ❑ Synod Inkhawmpui

Mizoram Presbyterian Kohhran rorelna sang ber Synod Inkhawmpui Vawi 101-na chu December 3-8, 2024 chung khan Mission Vengthlang Kohhran Biak Inah neih a ni a, ni 4-7 chung khan Rorel a ni a, zan lamah vantlang Pathian Biak inkhawm neih thin a ni. December 8 (Pathianni) Chawhmaah Pastor 17 nemngheh niin Pro. Pastor atan mi 21 ruat an ni a, Pastor pension mi pariat leh Synod hnuaiia Department Head pension mi pathum hnenah ngaihhraina thuziak hlan an ni a, chawhnu inkhawmah Synod Moderator Rev. R.C. Lalnghakliana'n Lalpa Zanriah Sakramen a theh a, Minister chatuan ram pan mi pasarih sunna hun hman a ni a, zan inkhawmah Moderator valedictory sermon ngaihthlak a ni.

Rorel inkhawm tan ni December 4-ah Moderator kal chhuak Rev. R. Vanlalngbaka'n Moderator thar, Rev. R.C. Lalnghakliana hnenah Moderator mawhphurhna a hlan a, rorel tan nghal a ni. Synod Inkhawmpuiah hian palai 2126 an kal a ni.

Kum 2025-a Pastoral Ministry thupui atan 'Inpumkhatna' Johana 17:11 chu thlan a ni a, Pastor Bial thar panga - Mizoram chhungah Saikhawthlir Bial, Mizoram pawnah Ludhiana Bial, Amrapara Bial, Tarahara Bial leh Bagnan Bialte hawn tura pawm a ni.

Tun tum inkhawmpuiah hian General 34 a awm a, chung zinga thu pawm tlangpuite:

1. 'SMB member ten Mission Field an tlawh thin hi tih tawh loh ni rawh se' tih chu an rawtna angin tihtawp ni rawh se, tih a ni.
2. 'PCI Emblem-ah hian Kraws dah tel ni rawh se' tih rawtna chu PCI General Assembly-ah thlen ni se, tih a ni.
3. 'Cancer Hospital bula Synod Khualbuk siam' rawtna chu tha tih a ni a, SEC bawhzui tura dah a ni.
4. 'Home hrang hrang nasa zawka tanpui' chungchang chu SEC bawh zui tura dah a ni.
5. 'Statistic form-a Innei zat ziahna column siam' rawtna chu 2025 atanga hman tan ni se, SEC-in lo bawh zui rawh se, tih a ni.
6. 'Synod Hostel inenkawl dan en that' rawtna chu SEC-in a tul angin hma lo la zui rawh se, tih a ni.
7. 'Naupangte thuawih zirtir' chungchang chu SEC bawhzui tura dah a ni.
8. 'Nau neih chawlh rei zawng en that' rawtna chu Synod hnuaiia thawkte maternity leave hi ni 180 ni tawh se tia rel chu 2025 atanga hman tan tura rem tih a ni.
9. 'Ruihhlo tive lote ven kawnga hmalak' rawtna chu tha tih a ni a, SEC bawhzui tura dah a ni.
10. 'Sunday School kaikim chawimawina siam belh' rawtna chu tha tih a ni a, SEC bawh zui tura dah a ni.

Kum 2025 Synod Inkhawmpui Puipa turte chu

Moderator	:	Rev. John Raldosanga
Secretary (Sr.)	:	Upa Vanlalsawma Siakeng
Secretary (Jr.)	:	Rev. B. Zohmangaiha
Finance Officers	:	Rev. Dr. K. Lallawmzuala Rev. Vanlalzuata
Statistician	:	Upa Dr. Vanlalzara
Sr. Executive Secretary	:	Rev. V.L. Luaia Hranleh
Executive Secretary	:	Rev. Dr. Rosiamliana Tochhawng

Kum 2025 Synod Inkhawmpui chu Dawrpui Bialin Zarkawt Kohhranah a thleng dawn a ni.

## ❑ One Day Training

December 3, 2024 (Thawhleghi) chawhma dar 9:30 atang khan J.M. Lloyd Hall, Synod Office-ah Synod Finance Managing Committee buatsaihin One Day Accounts Training neih a ni a. Training-ah hian Sukumar Bhattacharya & Co., Kolkata atangin mi pahnih, Mr. Abhik Bhattacharya, Chartered Accountant leh Mr. Joy Krishna Deb, Senior Tax & Audit Assistant te an rawn kal a ni.

Training hi hun hnihah then niin hun khatna hi chawhma dar 9:30-ah tan a ni a, Upa F. Lalhmangaiha, Finance Manager-in a kaihrui a, Rev. C. Zoramawia, Senior Executive Secretary-in hunserh a hmang a, Mr. Abhik Bhattacharya leh Mr. Joy Krishna Deb ten training an pe a ni.

Hun hnihna hi chawhnu dar 1:00-ah òan a ni a, chawhnu hunah pawh hian Mr. Abhik Bhattacharya leh Mr. Joy Krishna Deb ten training an pe leh a ni.

Training-ah hian Account enkawl dan chungchang te, Donation Register vawn chungchang te, Cash Retention limit kawl chungchang te, Cash Handling Allowance chungchang te leh income tax lam kaihnhawih te an zir a ni.

Training hi Mizoram Synod hnuai Department hrang hrang leh Mission Field-a school leh field office-a account khawihute pual a ni a, mi 105 an kal thei a ni.

☐ **Kohhran Hmeichhia**

December 3, 2024 (Thawhlehi) chhun dar 12 khan Mizoram Presbyterian Kohhran Hmeichhia te enkawl Women Centre, Phunchawngah 2024 Batch-a Puanthui zir chhuak mi 33 te thlahna hun hman a ni a, Pu Lalnginglova Hmar, Hon'ble Minister chu Chief Guest niin a hmanpui.

Zirlai thlahna inkhawm hi Dr. Lalthansangi Fanai, Inkhawmpui Lian Vice Chairman-in a kaihruai a. Pi H. Lalfakmawii, General Secretary-in inhmelhriattirna neiin Pi R. Lalrinpui, Women Centre Superintendent-in report a pe a, Chief Guest Pu Lalnginglova Hmar-in zirchhuakte hnenah Central Hmeichhiain a tumsak Puanthui khawl a hlan a. Zirchhuakte hnenah hian certificate leh memento hlan a ni bawk. Hemi hunah hian Rev. V.L. Luaia Hranleh, Executive Secretary i/c Kohhran Hmeichhia-in thuchah a sawi a, zirlai aiawhin Ni. Vanlaltlani'n thu a sawi bawk. Puanthui zir chhuakte thlahna hun hi Central Kohhran Hmeichhe committee member ten an hmanpui a ni.

Women Centre-a Puanthui zirna hi kum 2016 August atanga bul òan niin tunah hian Batch 10-naa zirchhuak mi 33 te nen mi 347 in hlawhtling takin puanthui an zir chhuak tawh a. Women Centre atanga puanthui zir chhuakte hi mahni kea dinga chhungkaw chawmtu engemawzat an awm tawh a ni.

☐ **Mission Development Training Centre (MDTC)**

December 10, 2024 (Thawhlehi) chawhnu dar 2:00 khan Mission Development Training Centre (MDTC) Graduation day, 52nd Batch pualin hman a ni.

Programme hi Pu R. Laldinsanga, Director, MDTC-in a kaihruai a, Rev. F. Lalrinnunga, BEC member-in Graduation day thuchah a sawi a, Rev. R. Lalhminganga, Secretary, SMB leh Pu B. Lalringliana, Mission Promoter ten thu tawi an sawi bawk. MDTC Trainee 52nd Batch-ah hian mi 9-in training an zo thei a, Certificate leh dawmzuina trade milin pek vek an ni. Hun tawpawh Rev. Zosangliana Fanai i/c Kawnpui Bialin malsawmnain a khar a ni. Hemi hun hi Kawnpui Bial Chairman, MDTC Managing Committee member te leh Bualpui 'N' Kohhran Upa ten an hmanpui a ni.

MDTC hi kumthar 2025 atang chuan hun eng emaw chen, training tur hian Missionary te koh an ni tawh dawn a, Evangelist atangin koh hmasak an ni ang. MDTC-ah hian Trade tam zawk hawn belh tura ruhman mek niin, Hostel pawh sak belh tura hmalak mek a ni bawk.

☐ **Trust**

December 2, 2024 (Thawhtanni) khan Rev. William Williams-an kutbul lui chhuah a rawn thlenna, a panna kawng kawr lei (Bridge) dawh dan tur en felin Upa Thangliankhuma, A.E leh Pu Lalhriatrenga, J.E te an kal.

☐ **Mizoram Christian College (MCC)**

December 2, 2024 (Thawhtanni) khan North East India-a Christian College te thawh hona chungchang meeting Synod College, Shillong-ah neih a ni a, he hunah hian Vice Principal Dr. Lalthansanga C. a kal.

☐ **Synod Office**

December 18, 2024 (Nilaini) chawhma dar 10:30 hian J.M. Lloyd Hall, Synod Office-ah Synod Office-a thawktu pension-a chhuak tur leh hmun danga insawn turte thlahna hun hman a ni dawn.

Programme hi Rev. V.L. Luaia Hranleh-in a kaihruai ang a, Upa Lalthahluna Ralte, Coordinator-in thlah turte chanchin tawi a sawi ang a, ngaihhuina thilpek leh certificate hlan an ni ang a, thlahte hnen atangin thusawi tawi ngaihthlak a ni bawk ang. Rev. Dr. K. Lallawmzuala, Executive Secretary-in tawngtaisakna hun a hmanpui a ni.

Tun tumah hian Synod hnathawk, pension-a chhuak tur mi pariat leh hmun danga insawn tur panga an awm a ni.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Khawlailung Bungmun	Vawk thi	3	₹ 37,000/-
2.	Mualkawi	In kang	1	₹ 20,000/-
3.	Durtlang Venghlun	Damlo	1	₹ 10,000/-
4.	Buangpui	Damlo	1	₹ 10,000/-
5.	Champhai Vengsang	Damlo	1	₹ 10,000/-
6.	Ngaizawl	Accident	1	₹ 10,000/-
			<b>Belh khawm</b>	<b>₹ 97,000/-</b>

❑ **FM Zoawi - Aizawl & Lunglei : Hruaina Eng Radio Programme**

**December 13, 2024 (Zirtawpni) @ 7:30 p.m. :**

**Solo :** C. Lalramfawni - Thilpek ropui ber, **Zaipawl :** Chaltlang Bial Zaipawl - Ngaiteh Vanlal nau ang pianni, **Thusawi :** Rev. T. Thuamliaana - Krismas thuchah, **Solo :** C. Laltanpuia - Lal thar a piang ta, **Zaipawl :** Chhinga Veng East Kohhran Zaipawl - Khawvel lawm nan a lo kal a, **Rawngbawlina report**

❑ **Hruaina Eng TV Programme**

- 12.12.2024 (Ningani)** 8:30 pm : Thupui zir bing
- 13.12.2024 (Zirtawpni)** 5:00 pm : Kristian Naupang Pual
- 14.12.2024 (Inrinni)** 5:30 pm : Puitling Sunday School Zirlai
- 15.12.2024 (Pathianni)** 8:00 am : Weekly round up
- 5:30 pm : Su Samachar Prasaran
- 16.12.2024 (Thawhtanni)** 8:30 pm : Hruaina Eng luangchhuak - Rev. Lalneihvura
- 17.12.2024 (Thawhlejni)** 8:30 pm : Kohhran Chanchin - Armed Veng Kohhran

**HRIATTIRNA**

December 18, 2024 (Nilaini) chawhma dar 10:30-ah Synod Office-a thawktuten inthlahna hun an hman dawn avangin hemi ni hian Synod Office a dawr theih dawn loh a, Synod Office dawr duhte tan dawr theih ni hnunung ber chu December 17, 2024 (Thawhlejni) a ni ang.

Synod Office hi December 19, 2024 (Ningani) atangin khar tan a ni ang a, January 6, 2025 (Thawhtanni)-ah hawn tan leh a ni dawn a ni.

**SYNOD BOOKROOM HRIATTIRNA**

Synod Bookroom chuan kum danga an lo tih thin angin Krismas 2024 leh Kumthar 2025 Synod chawlh chhung hian Synod Bookroom dawr leh Stock Room inhawn dan tur ruahmanna hetiang hian a siam.

- 1. December 28, 2024 (Inrinni)
- 2. January 4, 2025 (Inrinni)

Synod Bookroom hi December 18, 2024 (Nilaini) thlang an inhawng dawn a ni.

**SYNOD BOOKROOM LEHKHABU CHHUAK THAR - DECEMBER, 2024**

1. Synod Thurel Lakkhawm Vol-III:	₹ 450/-
2. Mizo Hla Leh A Phuahtute: <i>Hrangbana College Literature Committee</i>	₹ 700/-
3. Beiseina Nung: <i>Laldineni</i>	₹ 150/-
4. Nitin Lalpa Pawl Nan: <i>P.C. Lalmachhuani</i>	₹ 250/-
5. Khawngaihna Mak: <i>C. Sangthuama</i>	₹ 150/-
6. Ka Dai Chin Khawvel: <i>Dr. Lalsiampara Sailo</i>	₹ 250/-
7. Ni Rei Ber Ni: <i>Hauthuama lehlin</i>	₹ 300/-
8. Ka Zinna Ram: <i>Dr. Lalramchhuani Sena Samuelson</i>	₹ 250/-
9. Mizoram Exodus - <i>Zawlbuk Theology: F. Lalmangaiha</i>	₹ 200/-
10. Thlaler Pangpar: <i>Lalrammawia Ngente</i>	₹ 200/-
11. ZuilianaThubuai: <i>Samson Thanruma</i>	₹ 300/-
12. Paris Lam Tluang: <i>Lalmingmawia Ralte</i>	₹ 200/-
13. Kawtchhuah: <i>Dr. Laltluangliana Khiangte</i>	₹ 200/-

